



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბალაძე დურსუნ ოსმანის ძე



დ. ბალაძე

ბალაძე დურსუნ ოსმანის ძე (14. II. 1930, სოფ. წყავროკა, ახლანდ. ქობულეთის მუნიციპალიტეტი, – 25. IV. 2004, სტამბოლი, დაკრძალულია თბილისში), მათემატიკოსი. საქართველო. მეცნ. აკად. წ.-კორ. (1988), ფიზიკა-მათ. მეცნ. დოქტორი (1971). დაამთავრა თბილ. სახელმწ. უნ-ტი (1956). თსუ-ის ზოგადი მათ. კათედრის პროფესორი (1972–78), ბათუმის შოთა რუსთაველის სახ. სახელმწ. პედ. ინ-ტის რექტორი (1978–91). 1991-იდან ბათუმის უნ-ტის მათ. კათედრის გამგე. ბ-ის ძირითადი შრომები ეხება ტოპოლოგიურ სივრცეთა ჰომოლოგიის თეორიის საკითხებს. შემოიღო კოეფიციენტების ჯგუფთა წყვილის მიმართ აღებული ჰომოლოგიები (კოჰომოლოგიები); განიხილა პარამეტრიანი ჰომოლოგიები (სადაც პარამეტრი რომელიმე ნებისმიერი კომპლექსია); შეისწავლა ნებისმიერი კომპლექსის ჰომოლოგიების (კოჰომოლოგიების) აპროქსიმაცია მისი სასრული კომპლექსების ჰომოლოგიებით (კოჰომოლოგიებით).

იყო აჭარის ასსრ X და XI მოწვევების უმაღლესი საბჭოს დეპუტატი.

მიღებული აქვს ღირსების ორდენი (2000).

თბმ.: ჰომოლოგიის თეორიის საკითხები (ექსტრაორდინარული თეორია), თბ., 1983;
Обобщенные гомологические группы Стинрода, «თბილისის ა. რამშაძის სახ.
მათემატიკის ინ-ტის შრომები», 1972, ტ. 16.

თ. ებანოიძე
